

**AKTI I THEMELIMIT
I SHOQËRISE ME PËRGJEGJËSI TË KUFIZUAR
"D.A.B. DISTRIBUTION" SH.P.K.
DATË 12.02.2020**

Sot, në datën 12.02.2020, z. Bledi BALLA, shtetas shqiptar, lindur më 21.09.1987, në Tiranë, madhor dhe me zotësi të plotë juridike për të vepruar, mbajtës i kartes ID me nr. personal I70921049R, znj. Rejsi DUKA, shtetas shqiptar, lindur më 05.06.1990, në Tiranë, madhor dhe me zotësi të plotë juridike për të vepruar, mbajtëse e letërnjoftimit numër personal J05605070T dhe znj. Ermira RIZAJ, shtetas shqiptar, lindur më 30.07.1951, në Tiranë, madhor dhe me zotësi të plotë juridike për të vepruar, mbajtëse e Kartes ID numër personal F15730059S, bashkërisht në cilësinë e Ortakëve Themelues, vendosin të themelojnë një shoqëri me përgjegjësi të kufizuar të emëruar **"D.A.B. DISTRIBUTION" Shpk**. Kjo shoqëri do të realizojë veprimtarinë e saj në përputhje me legjislacionin shqiptar në fuqi, Aktin e Themelimit dhe Statutin, i cili i bashkëlidhet këtij Akt – Themelimi, si Shtojca A.

NENI 1 – EMËRTIMI

- 1.1 Shoqëria emërtohet **"D.A.B. DISTRIBUTION" Shpk** (në vijim **"Shoqëria"**).

NENI 2 – FORMA

- 2.1 Shoqëria **"D.A.B. DISTRIBUTION" Shpk** themelohet në formën e shoqërisë me përgjegjësi të kufizuar dhe veprimtaria e saj rregullohet me anë të këtij Akti Themelimi dhe Statutit të saj.
- 2.2 Shoqëria vepron në bazë të legjislacionit shqiptar në fuqi.

NENI 3 – SELIA

- 3.1 Selia e Shoqërisë është në adresën **Rruga "Perlat Rexhepi", Nd.8, hyrja.6, Ap.11, Njësia Bashkiake nr. 5, Tiranë, Shqipëri**.
- 3.2 Shoqëria mund të ketë zyra, degë, zyra përfaqësimi dhe agjenci në adresa të tjera si në Shqipëri ashtu edhe jashtë saj.
- 3.3 Asambleja e Përgjithshme
e mund të çelë, transferojë dhe/ose mbyllë, si në Shqipëri ashtu edhe jashtë saj, degë dhe/ose zyra përfaqësimi dhe/ose njësi vendore të çdo lloji, ndërsa, Administratori i Shoqërisë mund të çelë dhe/ose transferojë dhe/ose mbyllë adresa sekondare të ushtrimit të veprimtarisë, filiale dhe/ose agjenci.

NENI 4 – OBJEKTI

- 4.1 Objekti i veprimtarisë së Shoqërisë konsiston në kryerjen e aktiviteteve të përcaktuara më poshtë:
- a. import – eksport dhe/ose kultivim, prodhim, përpunim, paketim, ambalazhim i produkteve ushqimore;
 - b. import – eksport dhe/ose prodhimi i produkteve jo-ushqimore;
 - c. shitja me shumice dhe/ose pakicë e produkteve ushqimore - të përpunuara dhe/ ose të papërpunuara dhe jo-ushqimore;
 - d. stokimi dhe ruajtja e produkteve ushqimore ushqimore të përpunuara dhe/ ose të papërpunuara dhe jo-ushqimore;
 - e. ngritjen, hapjen dhe administrimin të marketeve dhe supermarketeve në Shqipëri dhe jashtë saj;

- f. transport i mallrave brenda dhe jashtë vendit;
- g. blerja, marrja me qira e pasurive të luajtshme dhe të paluajtshme, huamarrje dhe huadhënie, si edhe realizimi i veprimtarive të tjera tregtare të dobishme për shoqërinë.

NENI 5 – KOHËZGJATJA

- 5.1 Shoqëria themelohet me një kohëzgjatje të pakufizuar.
- 5.2 Shoqëria mund të priset në çdo moment me vendim të Asamblesë së Përgjithshme.

NENI 6 – KAPITALI I SHOQËRISË, KONTRIBUTET DHE KUOTAT

- 6.1. Kapitali i Shoqërisë është 100'000 ALL (njëqind mijë lekë), i ndarë në 3 kuota të zotëruar nga secili prej ortakëve në raportet e përcaktuara sipas tabelës më poshtë:

Ortaku	Kuota	% në Kapital	Vlera
Bledi BALLA	1 (një)	34	34'000 lekë
Rejsi DUKA	1 (një)	33	33'000 lekë
Ermira RIZAJ	1 (një)	33	33'000 lekë

- 6.2 Kuotat e Ortakut të Vetëm të Shoqërisë janë lirisht të transferueshme sipas legjislacionit tregtar në fuqi në Republikën e Shqipërisë.
- 6.3 Kapitali i Shoqërisë është nënshkruar dhe zotërohet nga Ortaku Themelues, sipas raporteve të përcaktuara në paragrafin e parë të nenit 6, më lart, me të dhënat e mëposhtme:
 - **Z. Bledi BALLA**, shtetas shqiptar, lindur më 21.09.1987, në Tiranë, madhor dhe me zotësi të plotë juridike për të vepruar, mbajtës i kartes ID numër personal I70921049R;
 - **Znj. Rejsi DUKA**, shtetas shqiptar, lindur më 05.06.1990, në Tiranë, madhore dhe me zotësi të plotë juridike për të vepruar, mbajtëse e letërnjoftimit me numër personal J05605070T;
 - **Znj. Ermira RIZAJ**, shtetas shqiptar, lindur më 30.07.1951, në Tiranë, madhor dhe me zotësi të plotë juridike për të vepruar, mbajtëse e letërnjoftimit me numër personal F15730059S.
- 6.4 Secili nga Ortakët e Shoqërisë përgjigjet për detyrimet kundrejt të tretëve deri në vlerën e kontributit të tij në kapitalin themeltar të saj.

NENI 7 –TRANSFERIMI I KUOTAVE


- 7.1 Kuotat e Shoqërisë mund të transferohen, tërësisht apo pjesërisht, sipas procedurës së përcaktuar në Statutin e Shoqërisë.

NENI 8 – ADMINISTRATORI/ËT

- 8.1 Shoqëria administrohet nga një ose më shumë Administratorë. Në rast se ka më shumë se një Administrator, Administratorët do të veprojnë bashkërisht, me përjashtim të rastit kur parashikohet ndryshe në aktin e emërimit të tyre. Administratori/ët do të qëndrojnë/në në detyrë deri në shkarkim apo dorëheqje ose për një periudhë 5 (pese) vjeçare, me mundësi rizgjedhje. Nëse Asambleja e Përgjithshme nuk merr vendim përpara mbarimit të afatit në detyrë, mandati i tyre do të rinovohet automatikisht edhe për një vit tjetër.

- 8.2 Administratori/ët përfaqëson ligjërisht Shoqërinë. Administratori ushtron të gjitha të drejtat dhe kompetencat e administrimit të zakonshëm të Shoqërisë, në përputhje me nenin 95 të Ligjit nr.9901, datë 14 mars 2008 “Për tregtarët dhe shoqëritë tregtare”, i ndryshuar dhe çdo rast në zbatim të kufijve të përcaktuar në aktin e emërimit të tij dhe/ose në Statutin e Shoqërisë.
- 8.3 Administratori/ët mund të emërojë përfaqësues me prokurë të posaçme (“ad negotia”) për kryerjen e një veprimi ose disa veprimeve, në kufijtë e tagrave që i/u janë dhënë nga ligji, statuti dhe/ose akti i emërimit.
- 8.4 Caktohet si Administratori i parë i Shoqërisë:
“Z. Bledi BALLA, shtetas shqiptar, lindur më 21.09.1987, në Tiranë, *banues në adresën: Rruga “Bulevardi :Gjergj Fishta”, P.6/6 Tiranë*, mbajtës i letërnjoftimit me nr. 031746145 dhe me numër personal J31124053M, madhor dhe me zotësi të plotë juridike për të vepruar.”

Specimeni i Firmës së Administratorit të Parë të Shoqërisë është si më poshtë:

Emër Mbiemër	Nënshkrimi
Bledi Balla	

NENI 9 – GJUHA

- 9.1 Ky Akt Themelimi është hartuar në 3 (tre) kopje në gjuhën shqipe.

NENI 10 – DISPOZITA TË FUNDIT

- 10.1 Për çdo çështje që nuk rregullohet posaçërisht nga ky Akt - Themelimi, do të zbatohen dispozitat përkatëse të legjislacionit shqiptar.

Për:

“D.A.B. DISTRIBUTION” Shpk

ORTAKËT THEMELUES:


 Z. Bledi BALLA


 Znj. Rejsi DUKA


 Znj. Ermira RIZAJ